



ხობის მუნიციპალიტეტის მერის ბრძანება



KA990181640504420

№ 01-138-01

13 / მარტი / 2020 წ.

ხობის მუნიციპალიტეტში ახალი კორონავირუსის შესაძლო გავრცელების აღსაკვეთად გასატარებელ ღონისძიებათა შესახებ

საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „ე“ ქვეპუნქტის, „ე.ვ“ ქვეპუნქტის, „საქართველოში ახალი კორონავირუსის შესაძლო გავრცელების აღკვეთის ღონისძიებებისა და ახალი კორონავირუსით გამოწვეული დაავადების შემთხვევებზე ოპერატიული რეაგირების გეგმის დამტკიცების შესახებ“ საქართველოს მთავრობის 2020 წლის 28 იანვრის № 164 განკარგულებისა და „ახალი კორონავირუსის (COVID-19) შესაძლო გავრცელების პრევენციის მიზნით საჯარო დაწესებულებებში საქმიანობის განსაკუთრებულ ღონისძიებათა განსაზღვრის შესახებ“ საქართველოს მთავრობის 2020 წლის 12 თებერვლის №529 განკარგულების საფუძველზე, ვბრძანებ:

1. ხობის მუნიციპალიტეტში ახალი კორონავირუსის შესაძლო გავრცელების აღსაკვეთად პრევენციული ღონისძიებების გატარებისა და ამ ღონისძიებათა ფარგლებში მუნიციპალიტეტის ტერიტორიაზე მყოფ პირთა უსაფრთხოების, მიგრაციული პროცესების მიმდინარეობის კონტროლის, საზოგადოებრივი თავშეყრის ადგილებსა და საზოგადოებრივ ტრანსპორტში მოქალაქეთა რიცხოვნობის შემცირებისა და ადგილობრივი თვითმმართველობის ორგანოებში მოქალაქეთა მომართვიანობის შემცირების მიზნით, განხორციელდეს შემდეგი სახის ღონისძიებები:

ა) ადგილობრივი თვითმმართველობის ორგანოებში დასაქმებულთათვის დაწესდეს დისტანციური სამუშაო რეჟიმი;

ბ) ადგილობრივი თვითმმართველობის ორგანოებში შეიზღუდოს საჯარო ღონისძიებების (მათ შორის, კომისიებისა და სამუშაო ჯგუფების სხდომები) ორგანიზება, გარეშე პირთა მონაწილეობით. დაწესდეს იმ ტიპის სერვისებზე ხელმისაწვდომობის შეზღუდვა რომელთა მომსახურების მიღებაც დაკავშირებულია ხალხმრავლობასა და ისეთ გარემოსთან, სადაც შედარებით მაღალია ვირუსის გავრცელების რისკი;

გ) ადგილობრივი თვითმმართველობის ორგანოების მხრიდან შეიზღუდოს სამსახურებრივი მივლინებები, გარდა განსაკუთრებული შემთხვევებისა;

დ) ადგილობრივი თვითმმართველობის ორგანოებში შეიზღუდოს გარეშე პირთა დაშვებისა და გადაადგილების შემთხვევები;

ე) ადგილობრივი თვითმმართველობის ორგანოებში საქმიანობა წარიმართოს „ახალი კორონავირუსის (COVID-19) შესაძლო გავრცელების პრევენციის მიზნით საჯარო დაწესებულებებში საქმიანობის განსაკუთრებულ ღონისძიებათა განსაზღვრის შესახებ“ საქართველოს მთავრობის 2020 წლის 12 თებერვლის №529 განკარგულებით დადგენილი მოთხოვნების შესაბამისად;

2. ამ ბრძანების მიზნებიდან გამომდინარე:

ა) ეთხოვთ მოქალაქეებს, მაქსიმალურად შეიკავონ თავი ხალხმრავალ ადგილებში მისვლისგან (მათ შორის, მუნიციპალური მომსახურებით სარგებლობისგან, თუ ამის უკიდურესი აუცილებლობა არ დგას). დაინტერესებულ პირებს მუნიციპალიტეტის კომპეტენციას მიკუთვნებულ ცალკეულ საკითხებთან დაკავშირებით ინფორმაცია შეუძლიათ მიიღონ დისტანციურად, შესაბამისი დაწესებულების საკონტაქტო ტელეფონის ან/და ელექტრონული ფოსტის მეშვეობით;

ბ) ეთხოვთ მოქალაქეებს, უზრუნველყონ ჯანმრთელობის დაცვის პროტოკოლების, რეკომენდაციებისა და ჰიგიენის წესების დაცვა;

გ) ეთხოვოს სოფლის ამბულატორიებისა და ოჯახის ექიმებს, შეისწავლონ ხობის მუნიციპალიტეტში ამ ეტაპისთვის ახალი კორონავირუსის გავრცელების ქვეყნიებიდან (ჩინეთის სახალხო რესპუბლიკა, სამხრეთ კორეა, იტალიის რესპუბლიკა, ირანის ისლამისტური რესპუბლიკა, ავსტრიის რესპუბლიკა, საფრანგეთის რესპუბლიკა, გერმანიის ფედერაციული რესპუბლიკა ესპანეთის სამეფო და სხვა) საცხოვრებლად ჩამოსული ან აქ მცხოვრები მოქალაქეების მდგომარეობა, ასევე ტურისტების ჩამოსვლის და უკან დაბრუნების დრო,

ჩაატარონ ასეთ მოქალაქეთა აღწერა (დააფიქსირონ მგზავრობის ისტორია), განახორციელონ საჯარო სკოლებში, სკოლამდელ და სკოლისგარეშე სააღმზრდელო დაწესებულებებში სანიტარულ-ჰიგიენური მდგომარეობის მონიტორინგი და შესაბამისი ინფორმაციები ყოველდღიურად მიანოდონ ა(ა)იპ „ხობის მუნიციპალიტეტის საზოგადოებრივი ჯანდაცვის ცენტრს“.

დ) დაევალოს ხობის მუნიციპალიტეტის ადმინისტრაციულ ერთეულებში ხობის მუნიციპალიტეტის მერის წარმომადგენლებს, მათ სამოქმედო ტერიტორიაზე განახორციელონ ყოველდღიური მონიტორინგი მიგრაციული პროცესების მიმდინარეობაზე და აღნიშნულის თაობაზე მიანოდონ ინფორმაციები სოფლის ამბულატორიებისა და ოჯახის ექიმებს, შემდგომში მათ მიერ ამ ინფორმაციის ა(ა)იპ „ხობის მუნიციპალიტეტის საზოგადოებრივი ჯანდაცვის ცენტრის“ მიწოდების მიზნით;

ე) დაევალოს ა(ა)იპ „ხობის მუნიციპალიტეტის საზოგადოებრივი ჯანდაცვის ცენტრს“, უზრუნველყოს ახალი კორონავირუსის შესაძლო გავრცელების პრევენციის მიზნით გასატარებელი ღონისძიებების თაობაზე, სოფლის ამბულატორიების და ოჯახის ექიმებისთვის, ასევე საჯარო სკოლებისა და საბავშვო ბაღების ხელმძღვანელებისათვის, აგრეთვე მუნიციპალიტეტში არსებული საზოგადოებრივი დანიშნულების დაწესებულების ხელმძღვანელებისთვის შესაბამისი რეკომენდაციების მიწოდება;

ვ) ეთხოვოს ადგილობრივი თვითმმართველობის ორგანოების ხელმძღვანელებს, საჯარო დაწესებულებათა დისტანციურ სამუშაო რეჟიმზე გადასვლასთან დაკავშირებით აუცილებელ ღონისძიებათა განსაზღვრა;

ზ) დაევალოთ ხობის მუნიციპალიტეტის მერიის პირველადი სტრუქტურული ერთეულების ხელმძღვანელებს, ხობის მუნიციპალიტეტის მერიის მოსამსახურეთა დისტანციურ სამუშაო რეჟიმზე გადასვლის მიზნით მოსამსახურეთა ნუსხის განსაზღვრა, მათი ფუნქცია-მოვალეობების, სამუშაოს სპეციფიკისა და უფლებამოსილების განქორციელების პროცესში არსებული საკითხების პრიორიტეტულობის გათვალისწინებით, არაუგვიანეს 1 სამუშაო დღისა;


თ) ეთხოვოს საქართველოს შინაგან საქმეთა სამინისტროს სსიპ დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველოს, მათი დაცვის ქვეშ არსებულ, ხობის მუნიციპალიტეტის ადგილობრივი თვითმმართველობის ადმინისტრაციულ შენობებში უცხო პირთა შესვლის შეზღუდვა, გარდა განსაკუთრებული და გადაუდებელი აუცილებლობისა, შესაბამის პასუხისმგებელ პირთან ან/და სამსახურთან შეთანხმების გარეშე;

3. ბრძანება ამოქმედდეს გაცნობისთანავე და გავრცელდეს ამ ბრძანებით განსაზღვრულ საკითხებთან დაკავშირებით სხვა გადაწყვეტილების მიღებამდე.

4. ბრძანება გამოქვეყნდეს ხობის მუნიციპალიტეტის ადგილობრივი თვითმმართველობის ვებგვერდებსა და სოციალურ ქსელებში, ასევე, გაზეთში „ხობის მოამბე“.

5. ბრძანება შეიძლება გასაჩივრდეს საქართველოს ადმინისტრაციული კანონმდებლობით დადგენილი წესით, ფოთის საქალაქო სასამართლოში (მისამართი: ქ. ფოთი, დავით აღმაშენებლის ქ. №3).

ხობის მუნიციპალიტეტის მერის მოვალეობის
შემსრულებელი

ხელმოწერილია/
შტამგდასმულია
ელმეპროწულად 

ვარაზ გაბედავა